

四庫全書

集部

欽定四庫全書

集部
張文貞集卷一

詳校官起居注主事臣顧宗義

助教臣常循覆勘

總校官進士臣朱鈐

校對官修撰臣吳錫齡

謄錄監生臣徐步青

欽定四庫全書

集部七

張文貞集

別集類六

國朝

提要

臣等謹案張文貞集十二卷

國朝張玉書撰玉書字素存丹徒人順治辛丑
進士改庶吉士官至大學士謚文貞是集不
分卷帙亦無目錄其繕寫格紙板心皆有松
蔭堂字蓋其家藏抄本編輯未成者也首為

賦二篇次為頌三篇表三篇箋六篇疏二十
篇議一篇書一篇考一篇說一篇序二十八
篇跋一篇記九篇紀事十篇傳一篇贊一篇
策問十二篇紀功碑二篇墓碑六篇神道碑
四篇墓誌銘三十二篇大抵皆舂容典雅渾
渾乎

盛世之音其拖諾山狼居胥山二碑敘述

聖武功皆為詳贍足以昭示萬世其紀平定江南

事紀滅闖獻二賊事紀三路進師下雲南事
紀平水西事及外國紀皆端緒詳明得諸耳
聞目見足以彰開國之

鴻烈紀順治間樂章及錢糧戶口三篇皆足資掌故
而紀陝西殉難官事一篇亦足與史傳相參
他若

賜遊玉泉山記

賜遊化育溝後苑記

賜遊喀喇河屯後苑記

賜遊熱河後苑記皆足發揚太平愷樂之象其餘碑誌亦多

國初將相事迹可備考核惟募疏祭文之屬收載太濫蓋其後人遇稿即錄不暇持擇轉為全集之累今悉刪除而惟錄其賦頌以下諸篇釐為十二卷庶不以榛楮勿翦為將來論者所病焉乾隆四十五年六月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

張文貞集卷一

大學士張玉書撰

南苑賦

皇清御宇體陰叶陽作京燕都六合殷昌闢九筵而
覲萬國象高闕於天閭鬱彼

御苑肇啟朱方延袤百六十里亘以馳道繚以周牆
匪有雕文鉅砌金壁飾璫與夫珍禽異獸羅弋

於絕域怪木詭石輪輦夫八方蓋

先皇帝經營天下十有八載常恐一物踰度泰而弗康
也

今天子斥奢靡崇儉約以績以述嗣盛德而益光固

陋如

臣

溷跡中祕擬雅合頌是惟

臣

職欲美作

述之形容媿未窺夫萬一繫金墉之萬雉歟南
園之逶迤配勾陳以拱極奠坤軸而居離陸澤
擬夫瀚海芳樹爛其歲筵入紅門而四睇儼蓬

鳥之遐躋其東則離宮洞啟丹甍雲矗畫檻凝
香朱扉曜旭霽景麗乎扶桑朝暎映乎若木其
西則金鋪交映玉題爭輝扶疎堤柳夾蔭宮槐
藹叢芳之如織矚昭陽之乍開于是徽道綺錯
嚴更列署海戶雲屯警昏戒曙崢嶸井幹迂迴
輦路林薄村籬含烟宿霧亦有琳宮梵剎夕磬
晨鐘灌鼓掩鬱精舍斜通聿丹青之相望實斥
遠之而不崇其中則有山南白鹿塞北黃羊鞬

鷹臂鵠狡兔驚獐昏鴉夜啄翠羽朝翔義合乎
靈囿制陋乎長楊他若黃鸝鵲獻自闕隴白靈
鳥貢自江鄉或却之而使勿進或畜之而不侈
為祥也至於大谷之梨烏桺之梯弱枝之棗房
陵之李繁容麗藻敷條布蓋產不一名彌阜被
沍續續乎郁郁乎皆其可薦於

寢園而充乎嘉旨者焉爾其源泉灌注陂池交屬既玉螭之
連雲亦晴光之如穀牽青藻之紛披散蘘荷之芳

馥遊鱗泳沫以沿波鳧雁羣飛而侶浴于時土
膏潤則百卉滋榮金風起斯嚴霜戒肅景物屬
四序以遷移惟俛仰常豁乎心目若夫瞭鷹雄
築凌雲際天揭焉中峙瀏覽連綿居庸拱夫左
輔碣石倚乎東偏鑾輅玉輅會乘時以戾止則
輿徒羽騎咸合還而駢闐猗歟休哉方今海寓
清平泰階寧謐

天子銳意萬幾留情史策箴宵衣儆旰食重田功息

民力曾勿事乎遊覽猶時儆夫盤逸間稽古制
詔舉獮苗爰駕赤驂揚青鑣朱竿耀日絳節回颺箕
張翼布結置列矛鷹揚貔虎之儔競矜雄而角
智中黃賁育之士待窮穴以探巢爾乃鳴鉦鐸
滌貪饕馭勿詭遇射勿剪毛殺勿盡物騁勿殫
勞良用討軍實訓仁儉而非區區視捷足為超
乘較獲多為功高也庶幾乎埒于古之蒐岐而
狩教于斯時也文教浹武功樹濊澤旁流英華

布護方且躋一世于春臺奠蒸黎於樂土櫟周室
之鼓鐘追虞廷之干羽簪筆微臣將詠由庚頌
華黍美斯干歌湛露祝

聖德之日升月恒而豈徒夸乎相如子雲之賦

璿璣玉衡賦

臣聞惟天垂象斗籥轉夫三辰惟聖乘乾皇極
符乎五紀欲法運行之不僭應觀緯度之有恒
粵攷天體常貞表儀各異自容成治厯始綜甲

子以紀年迄義和授時爰察璣衡以齊政翳古
法之推步實後人之權輿顧代遠時更禮湮器
失宣夜有其名而無其制周髀有其說而無其
傳即求璿玉之懿規亦至嬴秦而散佚洛下閭
師其遺意聿製渾儀耿壽昌倣其成模復更銅
象張衡定儀體於八尺以漏水轉圜錢樂叅圖
錄於諸家用新儀測景李淳風三重之法晷刻
精詳僧一行黃道之儀盈虧悉驗地輪地足至

張思訓而益增簡儀仰儀惟郭守敬為加密摠
此為璣為衡之制厥有遞增遞減之名蓋古昔
步日占星肇神奇於百代而後世分宮起舍較
簡易於前人聿自

興朝兼綜舊法欽惟

皇上性符造化德洽神明紹二帝之心傳答天斯敬
備百王之彝憲格帝惟誠參贊成能雨暘協應
厯經屢驗器益加詳信乎指掌坤乾戶牖象緯

契神機於咫尺綿玉燭於永久豈特斤斤備保
章之專官循司天之故典已哉茲者絃網羣才
駢羅闕下抽毫

命賦授札挾天誠以究極陰陽斯學有根本精研象
數則語無浮夸天人應感之原理氣盈虛之故
務縷陳夫與義必洞晰于淵微臣忝侍禁林欣
逢休運漫述拘墟之見聊攄窺管之詞蕪陋自
慚空疎滋懼賦曰

仰乾坤之昭融周寰宇而默運成歲功于靈樞
燭人事以垂訓遐覽古初陰陽軌順五精呈符
三光朗潤誕受圖于滎河爰協筭于時令嗣在
高陽八風叶應載洎帝嚳五官司正中星辨于
伊耆七曜齊于帝舜于稽虞制曰璣曰衡璣設
象以環映衡窺璣而中橫睽密緯之粲列雖銖
黍之畢程飾夜光以測度既規圓而體精琢良
玉以為管亦外澤而中瑩古法云亡星官失術

越有渾儀是纂是述準尺寸以經營傳璣衡之
髣髴其為體也六合外圍辰游內設指二軸以
直距燭低昂于毫末其為用也分天脊以立極
跨地平而定隅持南北之兩端激機輪如轉樞
若夫日躔黃道與赤為界半入其中半出其外
晷長至而牽牛是經景短至而東井斯屆辨婁
角于春秋實二分之交會此日行之軌陽舒而
陰殺者也月行九道黃道則一周列四維隨方

易色經其南為朱經其西為白經其東為青經
其北為墨分內外而錯居并中道為九則此月
行之軌陽消而陰息者也至於驗五緯之凌歷
分贏縮于步躔惟金水之附日常一歲而周天
火再歲而秉令木一終而司權填中央以主福
閱二十八歲而一遷其間順逆留伏循環無端
伏行則急留行則延順歷而東行則合逆軌而
西行則偏此五星之度有常道亦有變愆者也

大抵日月之行以天為輻星緯之運以日為轂
天左旋而常贏日麗天而差縮天視日為有餘
日規天為不足積經歲以為期斯日會天而來
復緊太陰之行緩按躔次而可推計一日之所
退常十三度而有奇月一周而交會實日速而
月遲惟星官之步歷謂進度為難稽指逆數以
握筭若右旋其易窺倘折衷于至當實左旋其
不移夫天度有常觀象斯在天命難諶惟德克

配昔者聖人之答幽明序五行也晝考乎日氣協純
陽象以修政積精于剛垂離照于庶事振遐覽于八
荒夕考乎月體含純陰象以修德退密洗心既內庭
之式序亦宵衣之是箴爾乃啓春令于東陸屬重華
而為木溥仁澤以噓枯配青陽以覆育秩夏令于南
訛屬熒惑而為火敷禮教以牖民範羣蒙之偏頗涼
風既至太白司金象秋令以義正肆賞善而罰淫嚴
霜乍隕辰星司水象冬令以智臨爰植綱而置紀令

行李夏中德為土四星迭運填不易矩堅大信如
金石捷令甲于風雨于是乎有治溝洫設豬防疏
川谷謹闢梁之水政有司烜燿頒禁律改國火救
時疾之火政有戢淫邪嚴五刑誅暴慢厲五兵之
金政有掌薪蒸禁林麓司器用慎儲蓄之木政有
辨物產課樹藝定土圭度地勢之土政凡以觀文
察變協序撫辰或災沴之偶告即修救以薦馨雖
禮詳于三代實道啓于虞廷觀于命九官分庶職

倣天工協羣力罔非察惠逆于神人相璣衡而
因革此所謂欽若之淵源歷千聖而同德也

天祚

聖皇丕膺休命衍箕疇行夏正格神明盡物性握苞
符以建極召箕畢而環應惟

睿慮之璣衡不假器而垂鏡于時天門肅穆泰階清
平儼衆星環拱而仰紫極之威神焉百職受成
四海陶冶譬二十八宿之森列而司九州之分

野馬朝視政以勤民夜考經而省憲兩曜之旁
矚無垠而宰之以至健也軫旱潦以渙號宣幽
滯而達情五緯之代更遞旺而總之以好生也
繼自今協炁旁流嘉生蕃殖大澤沾濡聲靈允
塞固不必連珠合璧之祥五福庶徵之集然後
知邳隆臻於三五而天人接於呼吸也已

典學勤政頌

有序

康熙十二年三月六日

皇上命翰林院掌院學士臣傅達禮熊賜履集侍讀
學士以下官同試於翰林院以觀心術學問復
命越日各錄所為詩文以進

臣伏聽惶汗退竊自念
經術淺薄行能無似濫竽侍從預修

國史服官十三年曾無寸長微善仰裨

聖治萬分之一間一操筆學為詩文駢鄙牽率不足
上塵

睿覽伏覩

皇上懋紹鴻休繼承丕緒乾綱在御百度畢張數年
以來諸大典禮若

郊壇升配

廟享告虔

釋奠崇師

山陵展孝歲下蠲租之詔時沛解網之仁耕藉田而親
履郊原講武事而躬擐甲冑良法美政次第舉行
而又味爽

御門面決幾務虛懷下問樂受盡言檢

寶錄則奉若球圖輯羣書則旁資蒐討啟經函於祕殿

設記注於螭頭

宣召儒臣日親講帷猗歟休哉帝咨王儆不是過矣

夫勤政者大化之權輿典學者立政之樞紐我

皇上豐功駿業懃不勝書惟茲二端實為根本昔董

仲舒獻策於漢帝事在力行魏徵進說於唐宗

縷陳十漸

臣竊惟

皇上帝新盛德久道化成將益光

列聖之謨烈而躋斯世於唐虞三代之隆區區漢唐之

主無足稱也爰不揣固陋拜手稽首而獻頌曰

皇清耆定垂三十年仁風鬯被中外嬉恬惟

皇叶靈受祐于

天九有式廓厚澤允繇赫赫大業

祖

宗興之奄有方夏

世祖成之我

皇纘緒弘此丕基光燭四表寰宇樂胥纘緒維何

聖不自聖勉勉我

皇典學勤政有抑其儀有覺其行旰食勵精建中表

正聿追懿軌肇啟

講筵左圖右史載討載研崇正黜邪道炳星日于美

于牆寤寐飲食日監匪遠昭事聿勤三辰洽契

丕薦馨聞雨露汪濊湛恩斯普惠茲元元曰繩

前武旱潦頻仍惟

帝曰咨田租歲賜粒彼載饑四門是闢昌言是式止
輦和顏用旌厥直晰晰庭燎委懷詢謀展采錯
事協贊大猷勉我

皇功德懋止區寓乂安亦既覲止曰安曰乂慶浹道
豐鴻功燦德緝熙昭融若陟修塗瞻言百里晉
日乾行慎終如始若登高山絕巘是躋凌萬履
岱虞肩唐隨進德伊何存誠主敬執競自強凝

承休命成功伊何所其無逸肴核仁義斟酌道
德運行渾元霑潤毫芒雖邇不泄雖遠不忘昭
哉嗣服純嘏有常小臣作頌敬獻

廟堂

聖駕詣明太祖陵頌

有序

皇帝聖神文武羣生在宥御極二十有三載德威燁
赫仁恩誕敷化流海表聲馳域外顧

時巡求莫歲及三輔惟東南賦繁役重之地未涖

玉趾頻軫

睿懷秋九月辛卯

德音既渙

六龍斯御肇省方於山左旋問俗於江南歌舞載塗

扶攜望幸比至江寧循視風土以明太祖陵宅

鍾山之麓浴命具儀吉蠲展奠冬十一月癸亥

法駕詣陵及門降輦既入升自右階入殿行三跪九

叩禮既興從殿後入神路門所司設薌几於昇

仙橋侍臣奉爵

上親酌酒三仍拜如前周環覽觀撫繚垣傾圯林木
翦敗申誠司香宦寺及奉陵人戶守護勿怠越
日復降

諭旨追美明太祖混一區宇之功肇造基業之盛飭
地方官吏嚴督軍民禁遏樵牧春秋時享務肅
將祀事仍傳勅諸大吏以時修治惟謹於歲自
唐以後凡前代陵寢所在輒命有司典祀宋藝

祖下詔修葺史書遂侈為美談茲以

當代萬乘之尊特詣勝國山陵親致拜奠禮文隆渥
踰於常祀是乃千古盛德之舉在昔帝王未有
行者行之自今日始於時垂白之叟含哺之氓
罔不感仰

聖仁至於流涕

臣書

方以銜恤抵廣陵蒙

恩召見於御舸之側退而見大學士

臣

明珠王熙翰

林

臣

常書朱瑪泰高士奇具為

臣

言相與歎誦

久之臣自念舊史官也且備員典禮敬錄懿嬪

傳信無窮臣之職也安可無紀臣竊惟

國家加禮勝國其度越前代者多矣

世祖章皇帝定鼎之初即設明諸帝守陵人戶太祖陵

戶凡四十人我

皇上纘承休德復屢廕

詔旨命加守護比年臣叨侍

講幄備記

聖政明藩王墓被盜掘發法司議獄坐盜發常人墳

塚律

上曰明藩王不應與常人等命改坐又以章奏斥明
為廢明非是誠嗣後勿復稱此皆我

皇上淵識大度以忠厚化導天下至意自有書契以
來所僅見謹牽連書之用詔來襍俾知

大聖人行事迴絕今古如此不揣庸鄙繫以頌詞辭

曰惟

聖御寓光鏡八荒經文緯武揖虞追唐苞蘖既翦烝
民胥宅絕島樹郡洪流帖席懷柔秩祀靡神弗

通

鑾輿時邁百靈景從澤如春敷氣霽朝燠所過賜租
經行問俗東瞻喬嶽南溯大河旆臨江左衢祝
壤歌綺麗舊都六朝遺趾蜿蜒明陵鍾阜是倚
繫明太祖功德顯融翕受衆策芟鋤羣雄政成
惟明令肅惟斷卜年三百規模丕煥吁嗟弓劍

金定四庫全書
卷一
於茲永藏惟我

國恩歲祀有常

翠華至止明禋肅戒

萬乘執謙歛容致拜于以酌之清醑玉壘自堂徂寢
顧瞻徘徊九九松栢樵蘇宜屏爰召守臣

天語申儆式滌蕪廢式遏踐蹂靈爽是棲維護必周
猗歟

聖仁加禮異代至德如天神人並戴粵討墳索古莫

與京我

皇至德適流駿聲拜手矢頌禮臣之職史冊永垂萬

祺欽式

馬襄武公崇祀名宦頌

國家既定鼎燕都齊魯晉豫次第嚮順大江以南
瀕海諸郡邑或負其險遠嘯聚跳梁潛匿山谷
所在多有于時

和碩豫親王方總六師駐金陵部署諸將勦撫兼

金少曰
用惟京口實首奉正朔而四境伏莽未靖衆心
危疑一夕數驚王曰吁誰能為

天子安此土者僉曰非總戎馬公不可王乃謂公曰
訛言繁興久當自戢毋養亂毋激變君其奉

天子命往撫之公受命以順治二年八月駐鎮京口
既至宣布德意明白信順反側滌慮兆姓胥悅
京口之人倚公之師如長城信公之令如四時
畏公之威如風雷沐公之恩如膏雨疾痛呻吟

喜有攸訴忠信克遂室家以完奉職輸賦無有
後先踰年江浙既定八閩猶梗化有

詔命公偕禁旅聲討去之日鄉之大夫士率耆老而
謀曰公實生我德不可忘乃建祠于大江之濱
而俎豆之歲祀不懈公既將師入閩乘勝攻拔
十數城不旬月八郡悉平以功進提督授侯爵
駐閩者十有餘年而鄭逆抗拒海上時開入內
地為患康熙初元公與蕃臣分兵勦金門廈門

諸島賊竄伏臺灣明年公統水師深入烏沙援
兵不繼孤軍與賊遇會颶風作王師三百人殲
焉公徇節而卒事聞

朝廷震悼追封一等侯世襲罔替謚襄武訃至京
口鄉之大夫士耆老相聚而哭于公之祠今
天子御極之三十八年襲一等侯乾菴公公長子也
佩大將軍印開幕府于京口威惠並施軍民輯
睦閱一載郡之人拜大將軍之賜因益念公遺

愛在人于是羣博士弟子復詢于鄉大夫謀于
耆老曰公昔總戎于此非徒全我之身寧我之
家也當羽檄交馳戎馬倥偬之際公尊禮儒者
肅清學校絃歌之聲不絕于里巷至今父老猶
能稱道之是非崇祀學宮無以光顯偉烈儀刑
後人矧事久論定義所必舉乃請于督撫及視
學使者皆報曰宜遂以康熙三十九年八月四
日大將軍袞鷁具儀親奉先公之主崇祀於郡

學之名宦祠軍民遮道聚觀嘆為盛事禮既成
郡之人咸願有述爰合詞而為頌曰維我

國家恭承天命臣服中夏四國表正金陵僭號屢
迪弗聽阻隔聲教螳奮豕競

帝簡親藩天討用張爰總六師虎躍龍驤赤麾蔽日
組甲耀霜鋤逆樹順孰抗顏行維時京口實首
輸誠草竊間作羣言沸騰鳥亂而翔獸駭而奔
王命我公來拯斯人公既至止置腹推心誅止

其魁善良歡忻潤之父老當衢忭舞潤之婦女
比屋笑語若渴遇漿若饑得哺若寒挾纊若旱
獲雨昔無完衣今歌五袴昔鮮桑麻今稱樂土
公真仁者去殺勝殘我有父子恃公以完我有
室家賴公以安既骨而肉既危而存既死而生
實公之仁公之致命遠在七閩愛我潤人英爽
實憑公之哲嗣秉節斯域兩世濟美甘棠再植
版從新政益懷舊德奉祀黌宮以光典則肅肅

豆籩神兮來格鉅典告成其儀不忒用垂奕禩
鐫之金石允矣前猷為後人式

進

太宗文皇帝實錄表

伏以

帝治弘開肇啟無疆之烈

聖人善述聿揚丕顯之謨

大業炳於中天儀刑如覩

隆猷垂於百代典冊為昭必慎編摹方成信史欽惟
體天興國弘德彰武寬溫仁聖睿孝隆道顯功文皇帝
天錫智勇

性備中和奠山河社稷之安集禮樂車書之盛

仁恩淪于率土

義問訖於遐陬奮

天討于西陲藩部咸共玉帛耀

神威于東海島人悉隸版圖錦城凌水之師

王靈不赫杏岫松山之捷

廟筭無遺締造邦家成

高皇未竟之志勵精政事答

上天垂祐之心列八幟而筦軍符設六曹而分衆職

詔忠良以獻替

勅獄訟以寬仁學校蔚興農桑用勸至誠服物大度容

人視臣僚如腹心上下聯為一體合滿漢如臂

指中外何啻一家十七載創業艱難邇安遠服

億萬禔貽謀悠遠綱舉目張在御則天下歸仁
升遐斯萬方哀痛懿軌傳之可久鴻猷美不勝

書洪惟

皇帝陛下

峻德克明

孝思維則登生民于仁壽躋世道于升恒以經天
緯地之才兼靖亂除殘之武大經大法允符二
帝三王是訓是行茂紹

祖功

宗德獨念

文廟一朝實錄曾經

章皇帝申命重修未告成書特開史局

命監修總裁纂修盡蒐石室之編博討琅函之祕敷

揚

德嫬務本末之畢該纂述

訓辭期精微之具悉事有關於憲典雖細不遺

法既備乎勸懲繁繁必錄凡屬用人行政
之標準與夫保邦制治之規模咸燦著于日星
俾永貽為龜鑑屢經讐勘遂歷歲時恭成

太宗文皇帝實錄合目錄凡例滿洲蒙古漢人名若干
卷繕寫進

呈_臣等恭際昌期同膺盛典學慚倚相獲覩
昭代之藏書才遜胥臣幸聞

本朝之故事止據蠡測管窺之見嘗嘆繪天賦海

之難俯竭寸衷用資

乙覽伏願

慎修思永

主善為師

覲家法于美牆益光前列

闡心傳於簡冊式裕後昆

臣

等無任瞻

天仰

聖激切屏營之至謹奉

表隨

進以

聞

擬

上命開館纂修

世祖章皇帝實錄羣臣

謝表

康熙
六年

伏以

聖啟聖而垂謨方策與球圖並重

治師治以紹烈舊章偕星日俱輝

掖左分曹萃羣才於館苑

禁中給札董成帙以歲時誦

綸誥者知覲光揚烈之方殷預校讐者嘆繪天賦海

之不易書垂百世道炳千秋

臣

等誠惶誠恐稽

首頓首上言竊惟王者卜世卜年開創裕守成
之業嗣主肯堂肯構明述兼聖作之功舜協堯

文繼統即以繼道啟承禹服傳子不異傳賢風
愆訓比盤銘湯孫是凜几杖箴同官誥姬序永
承帝紀肇始于馬遷非僅一朝國史漢書續成
于班氏亦從舊籍網羅益分左右以注起居昉
自古昔而繫年月以為實錄起自蕭梁嗣是代
有成編不免人滋異論宗尚書者曰宜多隱惡
法春秋者曰必須直辭輯當代之書較之筆削
前人其體原別載目前之事比於是非往轍其

勢倍難敵昌宗誘證元忠吳兢被銜于執政紀
貞元橫開宮市韓愈受嫉于宦官誣謗宣仁賴
紹興中之命官刊定諱言遜國歎永樂初之開
局重修其他耳食傳訛難以枚舉自非心術持
正誰為折衷重用丁寧庶禪

乙覽茲蓋伏遇

皇帝陛下

奉三主鼎

乘六御乾

玉冊金書崇奉

兩宮之懿號

黃琮蒼璧合告

三后以升禋業已繼序不忘丕承無缺獨是

太祖

太宗之寶錄已為

文子

文孫之典刑而中原定鼎之規未遑編次斯卜世貽
謀之善急待闡揚洪惟

世祖章皇帝

受命而撫萬邦

奠基以成一統

學宗湯武聖敬格于天人

孝婉虞周睿慮嚴于郊禘語文德則梯山航海之衆重

譯來朝紀武功則水西日南之鄉指戈飯命召

諸臣而入對午朝清問時殷憫庶獄之非辜一
歲詔書屢下最關心者用人行政之大計至隱
念者水旱盜賊之頻仍億萬載宗社無疆總厘
宵旰十八年綢繆未雨坐致昇平

聖謨美不勝書國乘久而能述爰開史局

特簡儒臣盡出秘編用資旁引始崇德癸未之秋仲早
知天命攸歸訖順治辛丑之春正永痛人心遏
密八年前功歸負扆而議禮制度曾不敢以闇

奸八年後柄握

宸衷而夕側朝嬰原不妨于獨斷推之柱下仗前之語
誰非創業垂統之謨大兵則書大沴則書大爵
賞則書須發凡以起例所見異辭所聞異辭所
傳聞異辭務存信而闕疑參訂責在總裁編輯
司存分纂_臣等丹心素矢青管懷慚夙事

先皇憶侍

天顏于南海西苑新隨朝列頻檢舊章于庶府諸司龍

馭雖遙燕胎如昨讀彌留之一詔不知涕泗何
從仰

靈爽于在天但覺涓埃無補開編者此日儼如覩雲漢
之章授札者幾人敢不慎丹青之筆伏願

克明峻德

永言孝思

螭頭設記注之官

鰲禁啟經筵之幄

念終始典于學時披商說之篇

於緝熙單厥心允協周成之德儼在廷之陟降不必
追弓劍于橋山守良法為箕裘非徒奉衣冠于
原廟庶幾

祖功

宗德垂世則世法之休而帝治王猷頌如升如恒之盛
矣

張文貞集卷一

欽定四庫全書

集部

張文貞集卷二

詳校官起居注主事臣顧宗泰

助教臣常循覆勘

總校官進士臣朱鈐

校對官修撰臣吳錫齡

謄錄監生臣徐步青

欽定四庫全書

張文貞集卷二

大學士張玉書撰

請復國學積分之法疏

題為請復積分之法以嚴考課以昭廣勵事竊惟
國家設立太學教育人材自三代以來未之有改
而士氣盛衰禮教興替往往有古今不相及之
嘆豈真人才不逮古人良由教導之法未詳激

勵之方未備故日就頽敝而不知所鼓勸也考
臣衙門舊制原有號舍一百七十餘間以栖止
諸生兼有日給廩餼令肄業其中以講習學行
而為之師長者亦得歲時漸摩各施其教此實
唐人限通一經宋人歷遷三舍之遺意今學舍
久荒廩餼未設值此錢糧匱乏時豈容再議興
復但考課之法有不得不申舉者見在各項監
生隸名六堂不下二千餘人然每以資斧艱難

道里遼遠或請假依親或游學他省以致季考
月課應試寥寥至新例援納又竟附本省州縣
身未登倫紀之堂目不覩辟雍之盛而裒然衣
頂側名國學於是從前六館諸生益復觀望效
尤甘自怠棄此時欲大加整頓則勢有所難行
若一任其曠弛又重負於職掌臣等再四思維
非復積分之法不可所謂積分者計月積累由
半分一分積至八分為合格其合格者恩拔貢

生改稱貢舉援納監生改稱監貢監貢又積滿
分數改稱貢舉並得送部從優試用與尋常監
滿谷部考授佐貳者不同

世祖章皇帝時舉行甚久至順治十七年因事例未開
到監人少暫行停止後科臣吳國龍嚴沆條奏
請復積分部議未經覆允竊念鼓勵士子振興
文教未有過於此法者人多固宜修復人少更
應舉行目前應試寥寥乃在監肄業者少非隸

名國學者少也若不懸優格以示勞來則諸生
無所鼓舞不設嚴課以定殿最則新進無所觀
摩至于考課之法遵照舊例兼試策論古文以
考驗其實學仍糊名公閱寧嚴毋濫是在臣等
與六堂諸臣共矢公慎以仰副

國家敷教之盛典也夫成均為首善之地教育乃
出治之原此法一行庶幾人才蔚起化澤覃敷
名器不致濫竽而學校益以增重矣臣等職掌

所闕謬陳管見仰祈

皇上俯鑒勅部議覆施行

請行選拔疏

題為請行選拔以廣教育事宋儒朱熹有言古之
太學主於教人而因以取士是國學之設原欲
網羅天下英雋以備

國家異日之用非徒具文而已考國子監生舊有
四途曰舉監曰貢監曰官監曰例監舉監之法

本朝未行貢監一項有副榜入監者有歲貢生廷
試後入監讀書者合計不過一二百人至官廩
監生為數既少監期復淺入仕之念速嚮學之
念輕獨例監一途比年以來頗稱濟濟以彼數
千百人之中豈盡無英才異質然篤學潛修遠
大自命者亦僅百之一二餘皆竊冒監之虛名
為梯榮之捷徑非真有文章品行卓然可以名
世者也近因軍興繁費又有尅期進勦及捐鎗

運米等項名目愈多流品愈雜有年不滿數歲
目未識一丁者雖欲遵照監規嚴行考課勢實
不能臣等備員教鐸坐視因循寧不大曠厥職
上負

朝廷設官作人之至意乎竊思入監各途惟貢監
中選拔一項最為良法查順治八年十二年兩
經舉行康熙十年

皇上復俞臣衙門滿漢諸臣之請令直省學臣選取

生員文行兼優者起送赴監一時多士連茹可
謂極盛如壬子乙卯二科鄉試中式頗多其見
在臣衙門取充八旗教習者亦能約束諸生盡
心講肄成效既彰理宜續舉伏請

皇上勅下禮部詳察往例酌定成規每遇鄉試後令
直省學臣舉行一次或於廩膳生員內或于科
歲考優等生員內考取文學優長品行素著者
每學一人貢入國學如堪貢無人寧虛毋濫其

起送到監者臣等仍嚴加校試倘有文理荒疎
品行陋劣即照往例駁回本籍如此行之數年
將見六館諸生彬彬郁郁皆經明行修之士即
各項捐納者亦知觀感砥礪不肯以區區升斗
重自菲薄矣夫國學者鄉學之權輿也國學之
人才鄉學人才之標準也不收天下之人才於
國學則無以風示生徒敦崇教化選拔之法誠
為目前獎厲人才之計臣等忝廁成均敬摠一

得仰祈

皇上俯鑒勅部議覆施行

請開言路疏

題為請

飭部院大臣不時條奏職掌兼舉

召對之典以備採擇事

臣伏覩

皇上軫念民生求言若渴此真堯舜禹湯懸輶之盛
心也竊惟民生視乎吏治吏治統於部院大臣

任斯職者凡民生利害制度因革無時不宜留心考究逐事敷陳原不待

詔下求言然後獻納如銓政某事宜更改某事宜復舊某官稱職應擢用某官不稱職應罷黜錢糧某項應節省某項應改折兵餉應作何核實撥給應作何清查以至樞臣握兵馬之數某處冗兵宜裁某處冗將宜省憲臣司風紀之總某省督撫賢宜留某省督撫不肖宜劾推之別部各

有事宜倘諸臣不時悉心訪問確有見聞即據實條奏我

皇上從諫如流定邀

採納如近日吏部議改寄憑都察院議停認工皆奉俞旨矣諸臣但患所言不當何患言之難行若平時瞻徇推諉必待奉

上諭而後循例條陳

臣

竊慮其晚也至于條陳事宜

其詳細委曲或有不能盡列于章奏者考前代

令主每有召見羣臣面詢得失之事我

世祖章皇帝亦嘗于萬幾清暇

虛懷召對不厭娓娓瀆聽臣望

皇上再舉此典或於

啟奏時隨事面質或不時

召對滿漢廷臣詢問職掌並各直省民生利病既有

以周知疾苦兼可覘在

廷諸臣果否實盡職掌留意民生庶臣工知所鼓

勵而治安可期矣

請核兵餉疏

題為請核給兵米豆實價以清冒支事竊臣見各省過往及駐防官兵有別省協濟錢糧有本地支銷錢糧報部米價每石作銀一兩二三錢不等豆價每石作銀一兩四五錢不等此在米豆價貴時則然近年臣鄉江南米豆時價極多不過一兩聞浙省楚省亦然而各省支銷錢糧多

至一兩以外計每石浮用三四錢不等縱內部
屢駁核減而藩司轉詳督撫督撫轉咨內部仍
不改其原報數目也夫該督撫藩司明知該地
方米豆價賤決無照報部價多給與兵之理此
每石所餘三四錢之銀不過節扣使費上下分
肥當此兵餉浩繁之日曾無一實心為

國之臣清核給兵徒恣中飽殊可痛也

臣請

勅下戶部詳查各省每年奏銷兵餉錢糧冊米每石

作銀幾何豆每石作銀幾何而兵丁所得米豆
實數幾何便知此中浮冒侵漁弊竇矣自今以
後合無請

勅下該督撫每歲撥給兵餉務一一核實註冊報部
如有虛冒以少作多聽科道官摘叅庶幾餉無
漏卮而兵得宿飽矣如果臣言可採伏乞

勅部酌議施行

請杜設法名色疏

題為請

飭部臣永杜設法名色以清濫征之源以蘇民生事
方今民窮財盡多因有司私派在

廷諸臣人人能言之而有司敢行私派無所顧忌
者每借口督撫之憲檄與內部之咨文蓋每年
正供賦額各有抵銷遇有別項費用部臣輒請
勅該督撫酌量設法不得動用正項錢糧在部臣之
意原以各省事難遙度須本地方官從長商榷

庶無貽累小民法非不善但百姓除正供糧稅外別無餘物可以設法名為設法實則加派而已夫額外因事量增原應一時不得已之用獨是部文一下貪婪官吏借端侵漁本應設處者十之一而私派者已及十之五百姓但見奉部文轉行不敢復向有司問多寡之數而有司之申詳督撫督撫之轉報內部者與科歛小民之額多不相符百姓不得知內部亦不得知也取

敲骨吸髓之金錢填官吏無窮之谿壑豈不重
可惜哉臣請

勅下部臣凡遇正項外一切別項費用應作何那辦
者須酌量妥確行文該督撫遵照奉行仍請

勅該督撫嚴飭州縣有司不得事外借端科派庶幾
各省貪吏朘削之害可以少止矣

請編次樂律算數書疏

題為

聖學洞理數之原

宸訓發精微之蘊恭請

御製成編垂示永久事康熙三十一年正月初四日

仰蒙

聖恩以歲首機務餘暇欲以理數樂律之學牖誨諸

臣

特召臣等至

乾清門環侍

御座之側

皇上檢閱性理披圖指示因而究論算數綜考律呂
辨徑一圍三之非窮隔八相生之實俾臣等見
所未見聞所未聞退而相顧驚喜深媿從前學
識淺陋錮守陳言而不自知其迷惑也夫徑一
圍三之說前人以粗疎約畧未經密算之法筆
之于書後人習而不察遂亦以其說為是膠守
而不知辨

皇上取方圓諸圖參互試之乃知每徑一尺圍當三尺一寸四分一釐有奇若止於圍三則奇零不盡之數無所歸著每徑一尺即差一寸四分有奇尋丈以上其差彌甚

聖諭謂徑一圍三止可算六角而不可算圍圓誠不易之至理也事最明顯具在目前而律呂新書諸說未究及此所以徒為空言而未嘗求驗諸實用固無往而不見其訛舛耳至于十二律隔

八相生宋儒載其圖具其說而其自然之理與所以然之故未有能實指之者

皇上命樂工以遂和瑟審其聲音七音高下次第相生至第八聲復還其始所謂隔八相生之法其本原實在乎是從來論樂者皆未之及蓋千古未發之祕自我

皇上今日發之非

聖心神悟本于天授何由得此

皇上又諭從來尺制不同十二律之長短以尺定管
不足為據必當以天地度數為主大哉

聖言中和位育之理悉具于中矣夫萬物之用皆起
於數律度量衡悉從此出而數不離於理不能
窮不易之理必不能究不易之數惟我

皇上以天縱之資極格物之學凡立一法定一制務
期試諸實用見之明效然後斷然無疑以此法
而測晷景辨分秒計歲差驗交食量度高深審

定音律隨所施用無不脗合蓋至理得而至數
畢符所謂近之不遺于日用而推之直可通于
造化者也顧樂律算數之學失傳已久承譌襲
舛莫摘其非奧義微機莫探其蘊在臣等躬聆
訓誨猶且一時省悟而覆算迷蒙中外臣民何由共
喻臣等仰祈

皇上特賜裁定編次成書頒示四方共相講習正歷
來積算之差訛垂萬世和聲之善法學術政事

均有裨益臣民幸甚後世幸甚

喀爾喀內附請上

尊號疏

題為

皇仁被于殊域

聖武訖于遐陬允應

誕膺尊號以愜敷天忭悃事欽惟

皇上量同天地明並日月舉中外之大人民之衆咸

欲予以生全登諸衽席雖在荒裔不忍遐遺所以梗化弗率則臨之以兵威嚮義來朝則綏之以恩澤蓋自五帝所未臣三王所未服罔不重譯頓顙奉表諭誠此皆我

皇上睿斷神謀深仁盛德之所致也惟喀爾喀曩在蒙古素稱不馴當

太祖

太宗

世祖皇帝時屢勤征伐順逆靡常雖貢獻之使不絕于道而伊汗等恃有七旗部族人民數十萬衆未嘗躬修臣節今仰戴

天威感懷

聖德咸傾心臣服願列屬藩

皇上又念喀爾喀素無統紀罔知禮法其間安輯機宜賞罰次第非

車駕親臨裁決不能盡善於是

六龍時邁刻期會同喀爾喀土謝圖汗扎薩克圖汗之弟及車陳汗率諸濟農諾顏並台吉等皆伏地迎謁會朝如儀

皇上察其誠懇錫宴頒賚極其優渥爰為編立旗分與我四十九旗等惟土謝圖汗車陳汗名目暫令如舊餘則或易王爵或畀貝勒貝子公台吉各銜量功授秩各有差等其他悉詔所司分別區處禮成又特降

諭旨重申訓誡明示以守法謹度則福及子孫悖道
恣行則身罹禁網既恤其困窮復謀其生計既
使之樂育復令其保終興滅繼絕懷柔遠人之
道至斯極矣臣等幸際昌期欣逢盛事竊惟數
十年憑陵之衆戴德歸心數十萬新附之人歡
呼匝地仁莫尚焉威莫加焉赫聲濯靈洋溢邊
徼普天率土罔敢不臣千萬年太平基業自茲
永奠歷稽前史古帝王功德未有如我

皇上之隆盛者也用是昭告

九廟可仰慰

列聖在天之靈宣布多方可衆識異域來王之義我

皇上神聖文武媲美勲華中外歡忻揄揚莫殫允宜
誕膺尊號式昭鉅典丕洽輿情並請將喀爾喀臣服

本末編入方畧垂示萬禩臣等不勝慶忭顙望

之至其應行典禮伏乞

勅下該部察例施行

再上

尊號疏

題為

聖主應崇顯號輿情顒望至殷謹冒昧瀆陳懇祈鑒
允事欽惟

皇上聖德神功光被四表深仁厚澤咸和萬民考之
史冊所載歷代賢君哲后之懿軌總未有比隆
於今日者臣等欣逢

堯舜之主公請崇上

尊號以垂示來茲顧屢次奏陳未蒙

俞允臣等跼蹐無已比日以來三復前所奉

諭旨仰見

皇上宵旰勤勞惟以民生休戚為念遠爾安靜為本
舉凡慶雲景星諸瑞無關於黔黎者總無關於
聖心而且以取一時之虛名為

聖心所不悅大哉聖人之言非識超今古道徹天人

不能明訓及此即此

諭旨敷行固已遠駕歷代帝王之上足以流光萬禩

矣伏念

臣等請上

尊稱正欲敷揚四十餘年之實心實政絕非僅以虛
名頌美君父此不獨在廷諸臣及輦轂士民之
諄請實中外臣民之公願亦天下萬世之公言
也從來有非常之大德者宜膺非常之顯號

祖宗之朝具有故事

皇上纘承

前烈允行盛典式愜輿情向年臣等曾以虞書之稱帝

堯者擬進

尊號為聖神文武大德廣運皇帝今再四尋繹惟此
二語形容與天合撰之德庶幾允協伏祈

皇上曲從衆請特賜舉行廷臣幸甚天下臣民幸甚
請停止本年秋季審疏

題為請

旨事切惟

皇上至德弘慈同符天地每歲

特遣大臣會同法司清理刑獄赦過宥罪曲賜矜全
以故犴狴之中絕無冤抑頃復

恩綸大霽仁澤旁敷凡有稍可寬貸之門無不予以
格外更生之路誠自古帝王未有之盛事也自
頒

赦以後現在監禁者俱十惡等重犯合計內外為數

無多此皆我

皇上睿慮哀矜再三欽恤求其生而不得故置之圜
圜以待秋審然當普天被澤之時而獨此身繫
法網者不能邀

鴻恩於

堯舜之世情實堪憫伏祈

特賜諭旨將本年內外秋審暫行停止俟明年照例
舉行使已赦者既霑浩蕩之仁在獄者亦得延

旦夕之命則恩法兩全天人胥悅恭候

命下之日通行直隸各省遵行

請修平定朔漠方畧疏

題為

天威震乎遐荒

聖武超乎前代請宣付史臣纂輯以昭偉績事竊惟
我

皇上膺圖御宇咸五登三

文德覃敷湛恩汪濊聲教所訖萬國來同幅員倍於
前朝勲業隆于上古

如天覆育罔不率俾

廟算折衝崇績懋昭固已紹兩階干羽之化誰復有
自外于生成以干

天討者而乃有噶爾丹冥頑自棄致

皇上赫然震怒

親董六師虎旅宣威

龍韜制勝摧枯拉朽電捲星馳蓋自出蹕以迄回
鑿跋涉數千里往還三閱月而大功底定

天心顯應百物效靈凱捷之日萬姓歡呼童叟頂祝
自古以來未有震疊神速

功德隆盛如今日者也

臣

等考之前史每有征討不

過命將出師閫外成功初未嘗稟受方畧然猶
推原主德勒石銘勲傳之汗青昭示來許況今者
皇上以萬乘之尊掃清漠北刻期翦滅立致蕩平偉

伐無前振古罕觀臣請宣付史館將

皇上躬擐甲冑直搗賊巢噶爾丹仰怖

天威立時殄滅以至撫慰士卒鼓勵將帥種種恩威

并

聖駕經過之地凡道里之遠近險易以及塞外風雲

草木之情形條分縷析瞭如指掌庶知天山瀚

海皆得仰

日月之光華而控制遐方愈以服樽俎之勝算矣至

于用兵方畧悉出

宸衷尤宜詳示史臣令其紀述布之中外傳之無窮

使天下後世咸知


皇上之文武聖神為從古帝王所未有

臣等遭逢

景運歌咏隆平亦為從古臣子所不易得之盛事也

伏祈

睿鑒施行



張文貞集卷二